

TENTAMEN MEDICUM

DE

PARALYSI,

Quod, divinâ aspirante gratiâ, in augustissimo
Ludovicæo medico Monspeliensi, publicis
subjiciebat disputationibus,

AUCTOR,

GERMANUS MAURICE, è partitione *du Calvados*,
Artium magister, & jam-dudum in celeberrimâ
Universitate Parisiensi medicinæ Alumnus, die

Pro primâ apollinari laureâ consequendâ.



MONSPELII,

Ex Typis JOSEPHI-FRANCISCI TOURNEL & JOANNIS-GERMANI TOURNEL,
Universitatis Medicinæ Typographorum & Bibliopolarum.

1791.

ARGUMENTABUNTUR

ILLUSTRISSIMI PROFESSORES

D. PAULUS-JOSEPHUS BARTHEZ, *Universitatis
Cancellarius.*

D. GASPARDUS-JOANNES RENÉ, *Dēcanus.*

D. ANTONIUS. GOUAN, *Pro-Decanus.*

D. FRANCISCUS BROUSSONET.

D. HENRICUS-LUDOVICUS BRUN.

D. HENRICUS FOUQUET.

D. JOANNES-BAPTISTA-TIMOTHEUS BAUMES.





TENTAMEN MEDICUM

DE PARALYSI.

MOTUS & sensus pendent à nervis : quæcumque autem possunt lædere nervos ita-ut motus vel sensus , vel uterque simul aboleatur vel imminuatur cum musculorum laxâ immobilitate quæ paralyfim distinguit à tetano in quo morbo omnia rigent cum motus impotentiâ (1), procreant paralyfim perfectam seu imperfectam quæ postrema *paresis* nomen audit (2). Ut curatio paralyfis rectè instituatur , necessarium fit igitur causam productricem agnoscere , nam , *sublatâ causâ* , tollitur effectus. Aliquandò tamen , curatio non potest absolvi , licet causa tollatur , ut in paralyfi à sectione seu quacumque nervorum disruptione quæ fit insanabilis ; & in aliis speciebus , effectus , propter nimiam in systemate nervoso læsionem , non possunt sanari nisi per remedia propriè dicta antiparalytica prudenter adhibita.

Paralyfis quando totum occupat corpus præter caput dicitur *paraplegia* , *hemiplegia* autem si totum corporis latus offendat , *amaurosis* seu *gutta serena* in paralyfi nervi optici , & in aliis speciebus nomen sortitur partium ,

(1) *Van-Swieten* , comment. tit. 3 , pag. 349 , ed. par.

(2) *Vogel* de cogn & curand corp. affect. t. 2 , pag. 150 , *Van-Swieten* , loc. cit.

sicut verbi gratiâ , paralyfis linguæ & vesicæ &c. vel primogenita est vel succedanea ; primogenita quando nulli alii morbi præcedunt ejus invasionem, præter torpores , stupores & alia quæcumque hujusmodi symptomata hujus affectionis terrentia ; succedanea vero dicitur , si apoplexiæ , colicæ pîctonum , diversis febribus citius curatis , nec non-nullis affectionibus chronicis succedat. Est adhuc vel acuta vel chronica & quidem intermittens seu periodica (3). Sympathica (4), tandem causæ quæ hanc procreant sunt internæ vel externæ.

1^o. Causæ externæ quæ paralyfim procreare possunt , sunt vulnera quædam contusiones, luxationes, fracturæ, compressiones, ligaturæ, ulcera (5); vapores mephitici, vapores metallorum, habitatio in domis recentè constructis, vel nimia in locis humidis, vel in aquâ, immoratio, rois frigus quod in regionibus calidis, paralyfim balneis calidis facilè sanabilem procreat (6). Corpora in partibus affixa, torpillæ tactus qui stuporem potiusquam paralyfim producit, frigus nimium & subitanæum, quæ paralyfis species sæpè sæpius in gangrænam vertitur.

Quæcumque autem affectionum internarum genera possunt aliquandò paralyfim procreare generalem seu particularem. Sic hemiplegiam à bile observavit illust. *Stoll* (7). Stuporem paralyticum pedis ex causâ biliosâ *Finke* (8). Paralyfim ex colicâ biliosâ cui refrigerantia competebant *Bianchi* (9). Illam pariter à congestionibus pituitosis & biliosis quæ medullam spinæ offendeabant sub fine febrium, & aliquandò stuporem totius cutis à crapula vino deditis productam vidit *Fernel* (10). Hemiplegiam à vermibus *Vandenbosch* (11). Paresim scorbuticam quæ sæpè sæpius sedem habet in membranis à viru scorbutico offensis, & antiscorbuticis vulgò facilè sanabilem *Lind* (12). Hemiplegiam ab affectione hysterica & hemiplegiam spaf-

(3) *Vogel*, loc. cit. *Sydenham* de arthri. paral.

(4) *Cullen*, t. 2, p. 227, note de *Bosquillon*.

(5) *Vogel* loc. cit.

(6) *Cullen*, loc. cit.

(7) *Stoll*, ratio med. pars 2dus. ægrot.

(8) *Finke* de morb. bilio. anom. p. 147.

(9) *Bianchi*, histor. hepat. p. 594.

(10) *Fernel*, de part. morb. & sympt. p. 194.

(11) *Vandenboch*, hist. const. epid. verm. æger, 4, p. 146.

(12) *Lind* de scorbut, t. 2, p. 364.

modicam diluentibus & laxantibus fauabilem referunt *Pomme* & *Cullen* (1). Paralyfimoris & extremitatum inferiorum affectione dysenteria tentatis succedere observavit *Zimmermann* (2). Paraplegiam post peripneumoniam & paralyfim extremitatum in colica *Desvonshire*, *Huxam* (3) sæpè frequentioribus epilepsiæ insultibus succedere refert *Cullen* (4) arthritidi *Sydenham* (5). Sed nullis affectionibus tam frequenter succedit quam apoplexiæ quæ hemiplegiam fere semper procreat, ut ex omnium auctorum observationibus constat. Omnia tandem quæ influxum sanguinis præpediunt in musculis, vel partes nimium distendunt, sicuti tumores schirrhosi, aneurismata, spina bifida, inflatio vertebrarum, sanguis vel alii quilibet vel humores in partibus hærentes propter evacuationes in acutis post crisin neglectas, seu evacuationes chronicas repente suppressas, sæpè ansam præbent paralyfi quæ nonnunquam fit etiam post hæmorrhagias & evacuationes nimias spontaneas seu arte excitatas apud maniacos & alios ægros jam antea multum debilitatos : denique venena, præsertim tenues metallorum particulæ, narcotica, frictiones mercuriales sæpius repetitæ & quæcumque affectiones cutaneæ genera imprudenter repressa, paralyfim aliquandò procreasse accusantur (6).

His causis internis & externis addendæ sunt aliæ tertij ordinis quæ nec ad internas nec ad externas exclusivè revocari possunt ; vehementia scilicet animi pathemata ut ira, mœror, terror, nimia animi contentio, &c. (7). Sic à terrore mulierem paralyticam & per terrorem post triginta annos sanatam fuisse refert *Diemerbroeck* pariter ex terrore paralyfim partium inferiorum ab umbilico in juvene post triduum lethalem observavit *Van-Swieten* (8). Paralyfim brachii post iram vidit *Quesnay* (9). Multa sane exempla referri adhuc possent quæ magis ac magis confirmarent curationem paralyfis à medico multum prudentiæ & sagacitatis exigere, nec mirum

(1) *Pomme*, traité des vapeurs, p. 40, 265, & *Cullen*, 2, pag. 228.

(2) *Zimmermann*, de la dysenterie, pag. 15.

(3) *Huxam*, p. 255 & 415.

(4) *Cullen*, loc. cit.

(5) *Sydenham*, de arthri paralyfi.

(6) *Vogel* & *Cullen* loc. citat.

(7) *Vogel* loc. cit.

(8) *Van-Swieten* loc. cit.

(9) *Quesnay*, de la gangrène, pag. 332.

esse quare solutio hujus affectionis tam diverso modo sæpè facta fuerit.

Varia sunt autem observanda in curatione paralyfis, tum ratione symptomatum & partium affectarum, tum ratione ætatis, debilitatis & temperamenti ægrotantium, quæ in prognosi maximi sunt momenti, ut-pote quæ faustum vel funestum præfagiant eventum; sic cum fructu tentanda est curatio paralyfis in quâ sensus remanet cum tremore partium, & quodam puncturæ vel fornicationis sensu, cum pulsus est vel sit magis æqualis ordinatus & fortior si fortes & juvenes occupet, quæ recens est, exceptâ tamen paralyfi ex dysenteriâ quæ facilius sanatur quo vetustior est (1). Tandem hemiplegia facilius curatione quam paraplegiâ, & paralyfis partium inferiorum facilius medelam accipit quam paralyfis superiorum (2). Paralyfis autem oris, cordis, pulmonum musculorum respirationi inservientium brevi lethalis (3). Dolores qui in partibus affectis oboriuntur in paralyfi apoplexiæ succedaneâ boni sunt adhuc ominis (4). Contra in paralyfi perfectâ inveteratâ, in quâ nullus remanet sensus, frigus, emaciatio, tumor œdematosus partium; *pulsus parvus languidus atque tardus non nihil ordinatè intermittens* (5). Resolutio arteriarum quæ paralyfis in gangrænam brevi immutatur (6), convulsiones, &c. funestum præfagiunt eventum, præcipuè in senibus qui vitam libidinofam degerunt. Attamen in paralyfi perfectâ & imperfectâ tantum gradu discrepantibus competunt eadem remedia quæ medicus debet adhibere ratione gradûs intensitatis, ægrotantium idiosyncrasia, & prout faustos ducunt effectus vel non hoc de affectibus paralyticis quæ ab ataxiâ nervorum pendent, illasâ organorum substantia intelligi debet: aliter tentaretur frustra medela, & prohi dolor! curatio paralyfis cujuscunque speciei, multum semper sit dubia; nam hic non sunt referendæ hæ species ebrietati succedentes, & aliæ frequentes, nec-non intermittentes, quæ potius stuporis quam paralyfis nomen merentur & quæ per frictiones cum spirituosis liquoribus faciliè sanantur (7).

Omnia signa diversis paralyfis speciebus propria, & rationes quibus solutio posset operari, tradere non supervaneum sanè foret; sed hæc aggredi

(1) *Vogel* loc. cit.

(2) *Vogel & Cullen*.

(3) *Van-Swieten* loc. cit.

(4) *Zimmermann*, de l'expérience, tom. 3, pag. 331.

(5) *Fernel*, de pulsibus.

(6) *Quesnay*, de la gangrène, loc. cit.

(7) *Zimmermann*, de l'expérience, tom. 2, pag. 263.

non ferunt vires ; nec solummodò de curatione speciali paralyfis quæ ; five nulla prægressa fuerit causa antecedens , five superata fuerit , tantùm à resolutione nervorum pendet , differere animus est ; sed tantùm quædam medicamenta , tùm interna , tùm externa quæ in paralyfis curatione aliquandò proficua fuisse videntur , referam.

1^o. Remedia externa sunt balnea generalia seu localia , frigida , calida & aromatica , balnea vaporum , vapores herbarum aromaticarum , frictiones ficcæ , seu cum vaporibus masthices , libani , galbani , mirrhæ , &c. ; aquæ thermæ adhibitæ omnimodo , non impræmeditato tamen , nam congestiones sanguinis in cerebro procreare possent ; epipastica , rubefacientia & quidem vesicantia ; cucurbitæ ficcæ , aliquando scarificatæ , setacea , fonticuli qui in paralyfi à ferosâ colluvie , vel affectione quâlibet textus cellularis , cujus sedes variare videtur , nec-non in paralyfi à repressione affectionum cutanearum , præsertim conducunt , errhina , apophlegmatifantia quæ & sub stimulantium scopo & evacuantium , cum successu agunt in paralyfi linguæ , hyrudines , arteriotomia , venæ-sectiones , præcipue in paralyfi locali & in hemiplegiâ , apoplexi succedaneâ [quâ iterum apoplexiam minatur , & fit lethalis in plethoricis ; frictiones mercuriales in paralyfi à lue venereâ , & in quibusdam congestionibus pituitosis mucosis prodesse possunt , cum sæpè fluxu spontaneo sputorum mucosorum , paralyfis soluta fuerit ; ignis electricus sub diversâ formâ prout commotionem levem seu fortem , generalem seu particularem , excitare vult medicus qui horumce remedium effectibus attentè consulere debet , cum à *juvantibus* & *nocentibus* sæpè indicatio quæri debeat ; nam v. g. in paralyfi à narcoticis & ex colicâ pictonum , ignis electricus cum successu adhibetur à multis celeberrimis auctoribus , in ejusmodi speciebus aliquando noxius fuit , ex observationibus *Stoll* (1) ratio hujus varietatis penderet - ne ad ægrotantium idiosynchrasia ? sed de causâ filet nimis modestus illust. *Stoll*.

Remedia interna ex nonnullis medicamentorum classibus desumpta , aliquando cum successu curatione paralyfis adhibita fuerunt ; resolventia scilicet evacuantia , stimulantia , tonica , antispasmodica , sudorifica , &c. de his seorsim differere animus est. Sufficiat mihi tantum dicere non solum paralyfis causæ attendendum esse in illorum selectu , sed etiam variis affectionibus conjunctis & partibus affectis , ita-ut in classe medicamentorum , v. g. purgantium , non indistinctè adhiberi debent quæ evacua-

(1) *Stoll* , pars 2.^{da} , p. 390.

tiones possunt promovere ; sed ea quæ humoribus affectionis fomitem procreantibus eliminandis propria sunt, & quæ virtutem specificam in organis quibusdam exercere æstimantur. Præterea quæ paralyfis causæ mederi possent, aliquando sunt rejicienda propter concomitantes alias affectiones ; sic in paralyfi qui competunt ignis electricus, & alia stimulantia potentissima, tum interna tum externa, hæc remedia non possunt adhiberi si adsit hemophthysis vel si timenda esset congestio in cerebro. Contra aliquando remedia præscribuntur ut adjuvantia, v. g. si alvus sit nimis tarda, salia neutra sub duplici scopo & ut excretiones stimulent, & ut eliminent humores viscidos, cum successu præscribenda sunt.

Ratione ætatis, temperamenti & affectus quem producere vult naturæ minister, debet varia esse medicamentorum dosis, ita ut vomitum excitent, vel tantum diaphorism, &c. Potentissima in paralyfi a congestione mucosâ mesenteria, resolventia, propinantur emetica quæ alias commotionem tantum prodesse videntur. Pariter in aliis medicamentorum classibus, & speciei & naturæ affectionis attendendum est ; sic mirificè inter tonica conducit kina in paralyfi intermittente, cephalia sunt valeriana sylvestris, salvia, &c. In cæphaleis nervosis & in paralyfi epilepsiæ succedaneâ ; inter stimulantia, tinctura cantharidum scrupulosè adhibita in paralyfi ex narcoticis, &c. Hæc mihi sufficiant in exemplum, sed præter medicamenta, diæta, seu conveniens vitæ regimen præscribendum est : sic alimentis (hoc tantum de paralyfi chronicâ intelligi debet, nam in acutâ aliquando diæta tenuissima præscribenda fit) concoctionis facilis moderatè sumptis vescatur æger, nam stomachus sub alimentorum pondere defessus, totius corporis vires labefactat, infans siquidem cum laboriosa nimis fit digestio, membra languescunt, & inevitabilis fit somnus qui paralyfis per se equidem brevi evanidæ statum simulat. Conducunt etiam in affectionibus paralyticis, exercitatio pedestris, equestris, seu in rhedâ ; habitatio in regione temperatâ, situs animi alacris in quo ex *Sanctorinis* observationibus constat auctam esse perspirationem, & corpora ad motum magis apta fieri : vitanda sunt autem vehementia animi pathemata, licet per terrorem, iram, &c. Aliquando ægrotantes à paralyfi liberatos fuisse constat ; tandem cum nonnullis affectibus sæpè succedat paralyfis quæ superveniente alio morbo tum acuto, tum chronico, nonnumquam solvitur. Hic ars nonne posset naturam imitari, & paralyfi à febre citius curatâ, febrim revocando, & à repressione herpetium, scabiei, has affectiones inoculando, &c. Nonne posset afferri medela ? Sed hæc meas superant vires, idcirco silendum.